

Wisconsin Department of Workforce Development
UNEMPLOYMENT INSURANCE (UI) DIVISION

PHAU NTAWV RAU COV THOV

Nyeem phau ntawv no thiab **khaws tseg cia tau siv lawm yav pem suab**. Nws muaj lus tseemceeb thiab kabke qhia uas yuav pab tau koj paub thiab tiv thiav koj txoj cai los ntawm lub Lav Wisconsin cov cai lijchoj rau kev Povhwm Poob Haujlwm.

**DWD yog ib lub koom haum pab tibneeg thiab pub txoj cai siblawv rau txhua tus. Yog koj xav txais kev pab vim koj yog ib tug tibneeg kws muaj mob loj (disable) thov hu tuaj rau tus xovtooj
608-267-8997 lossis TTY 1-888-393-8914.**

Yog xau tau phau ntawv sau loj tshaj phau no sau ntawv mus rau:

**UI Division
P. O. Box 7905
Madison, WI 53707**

Cov Tshooj Ntawv

Nplooj Ntawv

Vim Li Cas Peb Yuav Tsum Tau Koj Tug	
Social Security Number	1
Tshooj 1: Koj Daim Ntawv Cim Plhu	1
Tshooj 2: Rov Qab Thov Pab Dua	2
Tshooj 3: Ua Ntawv Thov Txhua Lub Limtiam	3
Tshooj 4: Nrhiav Haujlwm	13
Tshooj 5: Kev Xam Nyiaj Poob Haujlwm.....	15
Tshooj 6: Hais Txog Qhov Uas Tsimnyog Tau.....	18
Tshooj 7: Kev Txumloom Thiab Kev Tswjhwm Zoo	22
Tshooj 8: Koj Tej Ntaubntwv Poob Haujlwm	24
Caij Nyoog Ua Haujlwm ThiabCov Xovtooj ... Tom Qab Phau Ntawv	

Yog xav paub ntxiv txog cov kev cai pab no nkag mus rau hauv online chaw nyob yog: <http://unemployment.wisconsin.gov> logyog hu mus rau ib tug tibneeg pab leg ntaubntawv ntawm cov xovtooj kos tseg tom qab phau ntawv no.

Vim Li Cas Peb Yuav Tsum Tau Koj Tug Social Security Number Thiab Peb Muab Siv Li Cas

Federal Social Security Act txoj cai xwv kom koj yuav tsum muab koj tus social security number rau peb. Nws qhia peb txog koj, qhia txog koj cov tswv num thiab tau nyiaj li cas, lwm yam nyiaj uas koj tau, xam seb puas tsimnyog koj tau, khaws tej ntaubntawv txog them nqi rau koj lawm thiab siv uas lwm yam (statistics). Peb muaj ib txoj kev pab cuam uas yuav tshawb koj tug social security number nrog rau lub koom haum Social Security Administration. Yog koj tsis muab koj tus social security number, peb yuav pab tsis tau koj.

Txoj cai tau koj tus social security number nyob hauv Internal Revenue Code cov cai xyoo 1954, 26 U.S.C. 85, Sections 6011(a), 6050(b), 6109(a), P.L. 98-369, Section 1137(a)(1) thiab nyob hauv Wisconsin Statute Section 108.04(2)(e).

Cov ntaubntawv uas koj qhia tej zaum yuav muab siv ua lwm yam los kuj muaj [Privacy Law, s. 15.04(1)(m), Wis. Stats.]. Ntxiv rau qhov uas qhia txog koj cov nyiaj poob haujlwm mus rau IRS thiab WI Dept. of Revenue, peb yuav tso cov lus uas koj hais no rau lwm lub koomtxoos tsoomhvw teb chaws thiab xeev kom lawv paub xyuas saib nyob rau hauv lawv cov kev pabcuam lawv yuav pab tau koj li cas. Qee yam uas hais no yog General Assistance, Food Stamps, Wisconsin Works (W-2) Temporary Assistance for Needy Families, thiab Medicaid.

Tshooj 1: Koj Daim Ntawv Cim Plhu

Koj tus PIN muaj 4 tus lej uas **koj hom tseg ua ntej koj thov**. Tus txheejtxheem thov UI hauv xovtooj thiab Internet yuav siv koj tus PIN thiab social security number los nrhiav koj thaum koj hu mus thov. **Yuav siv tib tug PIN ntawm no los muab kev pab UI txhua yam.**

Koj tus PIN yuav txwv tsi pub lwm tus los dag thov ua koj tus lossis paub txog koj tej ntaubntawv. Npaj ib tug PIN uas koj yuav nco tau thiab ho txawv kom lwm tus tsis muaj peev xwm twv raug. Tsis txhob pub LWM TWG paub koj tus PIN li. Koj muaj feem xyuam rau txhua yaam lus uas koj muab rau lawv los ntawm kev siv koj tus PIN thiab Social Security Number.

Yog koj tsis nco koj tus PIN lawm, lossis ntseeg tias lwm tug paub lawm, koj yuav tsum hloov tam sim ntawd los ntawm qhov uas hu rau cov xovtooj uas koj xub hu lawm thiab nias 4 los hloov koj tus PIN.

Tshooj 2: Rov Qab Thov Pab Dua

Thov Thaum Twg: Koj yuav tsum pib thov thawj lub limtiam uas koj xav tau nyiaj povhwm poob haujlwm los yog nyob rau hauv 7 hnuv ntawm lub limtiam ntawd. Yog koj tos, koj muaj feem plam tag nrho huv si. Txog kev pab yuav tsis tau pib ua ntej koj thov thiab yuav tsis pab nyiaj rau cov limtiam uas twb hom dhau los lawm ua ntej koj thov ntawd. Thaum pib thov yuav tsum yog muaj li no.

- **Koj xav rov tau kev povhwm poob haujlwm dua.** Koj yuav tsum tau rov thov dua txhua zaug uas koj tso tseg tsis thov txhua lub limtiam lawm thiab xav rov thov dua. Thiab koj yuav tsum rov thov dua thaum cov kabke thov no tsi pub koj thov txhua lub limtiam vim yog zaum tag los uas koj tau thov twb dhau los lawm 14 hnuv lawm. **Nco ntsoov, koj yuav tsis tau txais kev pab txog thaum uas koj rov thov dua. Koj yuav tsum teb tag nrog cov lus uas lawv nug koj kom tiav thiab thwj. Yog koj qhia tsis thwj kom tau nyiaj pab xwb tej zaum koj yuav raug nplua. Cov lus koj qhia tej zaum hom yuav muaj raug tshawb xyuas seb puas muaj tseeb los ntawm data matching programs.**

Yog Muaj Lus Nug Txog Koj Daim Ntawv Seb Puas Tsimnyog Tau: Yog koj tej lus teb thaum ua ntaubntawv hauv Internet los yog hauv xovtooj qhia tsis meej tias tsimnyog koj tau kev pab nqi zog, tej zaum lawv hom yuav teem ib lub sijhawm rau koj mus tham tshawb txog cov lus tseeb losyog lawv hom yuav hu xovtooj tuaj rau koj lossis sau ib tsab ntawv tuaj rau koj.

Koj yuav tsum hu rau lawv los yog muab lus kom meej rau lub koom haum yog thaum lawv hais txog lawv, txawm yog lawv twb lees txais koj cov ntaubntawv lawm los xij. **Yog koj tsis koom teg rau qhov no, koj yuav plam tsis tau kev pab nyiaj povhwm poob haujlwm.**

Trade Readjustment Allowances (TRA): Federal Trade Act yog tsim los pab cov tibneeg ua haujlwm uas tau poob lawv txoj haujlwm lawm piv txwv lis ua lag luam tawm txawv teb chaw Ameskas, los yog txawv ntug dej txawv (off shoring) Ameskas uas lawv yuav pub nyiaj los pab kawm lwm txuj ci, nrhiav lwm txoj haujlwm tshiab, thiab pab nyiaj poob haujlwm rau txhua lub limtiam.

Federal txog cai ntswj nruj heev ib cov sij hawm uas tsis pub dhau uas lawv yuav pab rau tus tibneeg poob haujlwm los ntawd kev pab cuam Trade Program. Yog yuav tau cov kev pab no, koj yuav tsum tsis tam ua (be waived) los yog muaj npe kawm rau ib yam TAA qhia kawm ua ntej 8 lub limtiam los ntawm hnuv lawv tso cai ntawm phab saib xyuas cov poob haujlwm (Department of Labor) tawm tsam (petition) los yog ua ntej 16 lub limtiam los ntawm hnuv koj poob koj txoj haujlwm, seb ob lub sij hawm no hnuv twg yog hnuv ua tom qab. Yog koj tsis ncav cov sij hawm no tej zaum koj yuav tsis tau kev pab ntawm 104 lub limtiam cov TRA Nyiaj Pab.

Tshooj 3: Ua Ntawv Thov Txhua Lub Limtiam

Daim Ntawv Thov Txhua Lub Limtiam Yog Dabtsi? Daim ntawv muaj cai thov txhua lub limtiam yog ib daim ntawv uas koj ua los thov raws limtiam thaum koj xav tau nyiaj povhwm poob haujlwm rau lub limtiam ntawd. Daim ntawv thov raws limtiam rau UI siv no yog pib hnuv Sunday thiab xaus rau hnuv Saturday.

Thaum Twg Mam Ua Thov: Koj yuav tsum ua daim ntawv thov pab txhua lub limtiam **tsi pub dhau 14 hnuv** ntawm lub limtiam xaus hauv calendar uas koj tau thov kev pab, tabsis tsi pub koj hu thov rau ib lub limtiam twg ua ntej lub limtiam ntawd xaus. Cov sijhawm ua haujlwm los pab koj thov no muaj nyob sab nraum phau ntawv no.

Yog koj muab lus tsis tag thaum koj hu thov pab txhua lub limtiam, lawv yuav tsis txais koj cov ntaubntawv thov hauv xovtooj tiamsis lawv yuav xa ib tsabntawv nrog tus xovtooj rau koj rov hu mus ua cov ntaubntawv kom tiav rau txoj kev thov nyiaj. Koj yuav tsum hu mus rau tus xovtooj ntawd tsi pub dhau 14 hnuv tom qab koj tau txais tsabntawv ntawm.

Tseemceeb

Lawv yuav tsi pub koj ua daim ntawv thov pab txhua lub limtiam no yog tias zaum uas koj thov tas los twb tshaj 14 hnuv lawm. Thaum zoo li no koj yuav tsum “rov leg ntaubntawv” los "rov qhib" koj tej ntaubntawv thov dua.

Yauv Ua Ntawv Thov Txhua Lub Limtiam Li Cas: Lawv yuav qhia koj seb koj thov tau rau lub limtiam twg los ntawm uas qhia hnuv uas pib thiab xaus ntawm lub limtiam ntawd. Yog 2 lub limtiam uas dhau lawm los thov tau tibi ces lawv yuav lees thawj lub limtiam ua ntej tso. Tom qab ntawd, lawv yuav qhia koj thov rau lub limtiam uas nyuam qhuav dhau ntawd. Lawv kuj yuav qhia ntxiv yog tias tsis pub koj thov rau lub limtiam twg.

Muaj ob txoj kabke uas koj yuav siv tau los ua daim ntawv thov pab raws txhua lub limtiam. Lawv yuav qhia seb koj siv tau qhov twg. Muaj lus qhia ntxiv txog ob qho no nyob hauv qab no. **Txawm koj yuav siv qhov twg los xij, siv sijhawm los teb txhua lo lus nug thiab teb kom thwj. Tej zaum koj yuav raug plua yog tias koj teb tsi ncaj kom tau nyiaj povhwm xwb.**

Txoj kabke uas txeev siv: Yog koj siv txoj kabke uas txeev siv lawm los thov nyiaj, koj yuav tsum tau teb ib cov lus nug txog rau lub limtiam uas koj thov pab ntawd. Cov lus nug uas lawv yuav nug koj muaj nyob rau sab ntawv tom ntej yuav los no.

Kabke “Thov Kev Pab Sai”: Kabke “thov kev pab sai” no yeej pab tau sai mentsis. Thaum koj tau ua ntawv thov ib zaug uas yog siv qhov kabke uas txeev siv los lawm, lawv mam xyuas seb koj puas yuav siv tau qhov uas thov kev pab sai no rau limtiam pem suab. Yog ua tau,

lawv yuav luam koj cov lus qub uas koj teb rau lawv zaum tag los. Nws yuav muaj ib cov lej 6 tus nyob ua ke los qhia meej txog qhov no. Thaum koj hu thov rau lub limtiam tom ntej ntawm, lawv yuav nug seb koj cov lus teb rau lub limtiam ntawm puas zoo ib yam li cov uas teb lub limtiam tag los lawm. Yog koj teb tias “YOG,” ces lawv kom koj ntaus cov lej uas nyob ntawm koj daim ntawv thov limtiam dhau los lawm. Txhua limtiam twg lawv muab ib cov lej txawv rau koj.

Yuav tsis xa koj daim ntawv thov lub limtiam tag los rau koj thiab koj yuav siv tsis tau qhov uas thov kev pab sai yog muaj li no:

- koj qhia tias tau nyiaj haujlwm thiab lwm yam nyiaj,
- koj hloov chaw nyob, los yog
- koj teb tej yam uas qhia tias xyov koj puas tsimnyog tau.

Koj yuav thov pab sai tsis tau txawm yog koj tau txais daim ntawv uas tau thov limtiam tag los lawm:

- tej lus teb uas koj hais limtiam no zoo txawv li tej lus teb uas koj hais limtiam tag los,
- koj tsis muaj tus lej nyob ntawm daim ntawv uas koj thov lub limtiam tag los, los yog
- hloov ib qho txij thaum xa daim ntawv lawm ua rau txiav tsis pub thov pab sai.

Yog koj siv tsis tau qhov uas thov pab sai no, ces siv qhov uas txeev siv los thov ntawm tej lub limtiam.

Yam Tseemceeb Uas Yuav Tau Nco

- ✓ **Tag nrho cov lus nug uas nug txog lub limtiam uas koj thov kev pab.** Pivtxwv li, thaum nug tias koj tawm haujlwm los tsis yog, nug seb puas yog koj tawm lub limtiam uas koj thov pab ntawm. Yog koj tsis tau tawm li ntawd, teb tias “TSIS TAU” (NO).
- ✓ Thaum hais kom koj teb ib qho lus rau hauv xovtooj, thov hais qeeb log thiab hais meej, thiab hais ib tus tsiaj ntawv zuj zus rau tej lo lus uas zoo txawv txawv.

COV LUS HUAV QAB YOG COV UA LAWV YUAV NUG KOJ THAUM KOJ SIV TXOJ KABKE UAS TXEEV SIV:

- **Koj puas mus ua tau haujlwm puv sijhawm (full-time) thiab muaj caij ua haujlwm puv sijhawm (full-time)?**
 - Teb tias “YOG” (YES) yog tias koj ua tau haujlwm puv sijhawm (full-time) yog muaj haujlwm qhib txais rau koj ua.
 - Teb tias “TSIS YOG” (NO) yog tias koj ua tsis tau haujlwm puv sijhawm (full-time) vim tias koj mog los yog koj tsis koom ua haujlwm. Pivtxwv li, koj txais ua tsis tau haujlwm rau tus tswv num (suav txog rau koj tus qub tswv num tibsib) vim tias koj muaj mob los yog raug mob, mus so (vacation), tsis muaj lub tsheb mus ua haujlwm, tsis muaj tibneeg zov menyuam, los yog muaj li yam ua rau koj mus ua tsis tau haujlwm.
- **Koj puas tau mus nrhiav haujlwm tshaj ob tug tswvnum rau hauv ib lub limtiam twg?** (Lo lus nug no tsis yog nug seb koj puas raug zam tsis nrhiav haujlwm.)
- **Nyob hauv lub limtiam, koj puas tau tsis kam mus ua haujlwm thaum lawv muaj haujlwm rau koj ua los yog teem sijhawm rau koj mus ua haujlwm es koj tsis mus?**
 - Yog muaj, lawv yuav nug koj seb koj puas tau tsis kam ua txoj haujlwm uas tswv num muab rau koj ua. [Teb tias “YOG” (YES) rau lo lus nug no yog tias koj tau tsis kam lees txoj haujlwm uas tug tswv haujlwm uas koj tsis tau ua haujlwm rau nws li muab rau koj ua.]
 - Ntxiv mus lawv yuav nug seb koj puas tau tsis mus ua haujlwm es twb teem tau rau koj lawm. (Teb tias “YOG” (YES) rau lo lus nug no yog koj tsis tau ua puv cov sijhawm uas tug tswv num teem tseg kom koj ua.)
- **Nyob hauv limtiam, koj puas tau tawm haujlwm los yog raug rho tawm haujlwm?**
 - Teb tias “YOG” (YES) yog tias koj tau tawm haujlwm, pom zoo cia tswv num rho koj tawm haujlwm, cia li tawm haujlwm LOSYOG koj raug rho tawm haujlwm tsis pub ua haujlwm txiv, los yog raug rho tawm haujlwm (fired) rau tej yam txawv tsis vim tias tsis muaj haujlwm rau koj ua lawm.
 - Ntxiv mus yuav nug seb koj puas tau tawm haujlwm, teb tias “YOG” (YES) yog tias koj tau tawm koj txog haujlwm lawm.

– Ntxiv mus yuav nug seb koj puas raug rho twam koj txog haujlwm (fired), teb tias “YOG” (YES) yog tias koj rau rho tawm koj txog haujlwm.

- Teb tias “TSIS YOG” (NO) yog tias koj tau tawm haujlwm vim txoj haujlwm tas lawm.

➤ **Koj puas tau ua haujlwm hauv lub limtiam?**

- Yog tau, lawv yuav nug seb koj puas tau ua rau ntau tshaj ib tug tswv num hauv lub limtiam ntawd.
- Ntxiv mus, lawv yuav nug seb koj puas tau ua haujlwm li 40 txoos teev lossis tshaj hauv ib lub limtiam. (Qhia cov txoos teev thiab cov feeb uas koj tau ua haujlwm xwb)
- Ces lawv yuav kom koj qhia tag nrho koj cov nyiaj ua haujlwm ntawm txhua tug tswv num. (Nrog rau nyiaj haujlwm tau muaj mob thaib nyiaj txhawb zog tabsis tsis xam nyiaj so koob tsheej, nyiaj so haujlwm thiab tso tawm haujlwm uas them li yog nqi zog.)
- Tom qab lawv rau koj cov nyiaj tag, tej zaum lawv yuav hais kom rau tag nrho koj cov txoos teev thiab feeb sijhawm uas koj ua haujlwm ntawm tej tug tswv haujlwm.
- Ces lawv keev yuav kom koj hais tag nrho tej tug tswv num lub npe thiab chaw nyob.

➤ **Koj puas tau txais, los yog puas yuav tau txais, nyiaj so koobtsheej, nyiaj so haujlwm lossis nyiaj tawm haujlwm hauv lub limtiam?**

- Yog tau, lawv yuav nug kom tso tag nrho cov nyiaj ua tau ntawm tej qhov uas lawv them koj ntawm tej tus tswv num.
- Ces lawv keev yuav kom koj hais tag nrho tej tus tswv num lub npe thiab chaw nyob.

➤ **Koj puas ua haujlwm rau koj tus kheej (self-employed)?**

- Teb tias “YOG” (YES) yog tias koj ua haujlwm rau koj tus kheej (self-employed) los yog koj yog ib tug tswv num, pivtxwv li ua teb (farm), koom khai kev ua lag ua luam nrog li tug (partnership, LLC, los yog corporation).
- Teb tias “TSIS YOG” (NO) yog tias koj muag Avon, Amway, tais diav (tupperware), los yog lwm yam. Cov num no yuav xam tias yog kev ua lag ua luam cev koj yuav tsum qhia tias yog nyiaj ua haujlwm no. [Tiamsis, yog koj xam tias cov num no yog kev ua lag ua luam rau koj tus kheej (self-employed) xwb no teb tias “YOG” (YES) Lub Koom Haum mam hu tuaj rau koj tham txiv txog

qho no.]

Yog koj tsis tau hloov chaw nyob, nias 1. Yog koj hloov chaw nyob lawm tabsis tsis tau qhia chaw nyob tshiab rau lawv, nias 2. (Yog nias 2, lawv yuav hais kom koj tso koj tus zip code thiab xovtooj. Ces lawv yuav kom koj hais qhov chaw nyob tshiab.)

Thaum Twg Mam Qhia Tias Koj Tau Haujlwm Thiab Tau Nyiaj

Lawm: Thaum hu thov raws limtiam, koj yuav tsum teb tias “YOG” (YES) rau lo lus nug no yog koj tau **ua haujlwm** rau lub limtiam ntawd lawm. Yog koj pib ua haujlwm rau hnuv Saturday thiab xaus hnuv Sunday, cov txoos teev ua haujlwm thiab nyiaj tau los thaum ntawd yuav tsum muab qhia rau hauv koj daim ntawv thov pab raws lub limtiam ntawd suav hnuv Saturday nrog tibsi.

Txoos Teev. Qhia tib cov txoos teev thiab feeb uas koj tau ua haujlwm lub limtiam ntawd xwb.

Nyiaj Ua Haujlwm. Tag nrho cov nyiaj haujlwm uas koj ua lub limtiam ntawd tsis hais full-time lossis part-time. Nrog rau nyiaj ntsuab, nyiaj pub, nyiaj khiab zog, “ua zog txhawm nqi” (working off a bill), etc. Nyiaj haujlwm kuj yog tej nyiaj uas lawv them rau koj xws li them rau hnuv mob, them kho thaum ua haujlwm raug mob, thiab nyiaj tau tshaj los yog nyiaj koom peev. Cov nyiaj no yuav tsum qhia rau lub limtiam uas khwv tau ntawd, txawm lawv yuav tsis tau them nyiaj rau koj los xij.

- **Nyiaj Them Kho Thaum Ua Haujlwm Raug Mob** hauv ib nrab limtiam yuav tsum tau qhia tias yog nyiaj haujlwm rau hauv daim ntawv thov nyiaj lub limtiam ntawd. Koj yuav tsum teb tias “yog” rau lo lus nug hais tias “Koj puas tau ua haujlwm?” txawm hais tias koj yeej tsis tau ua haujlwm rau lub limtiam ntawd. Yog koj tau nyiaj Them Kho Thaum Ua Haujlwm Raug Mob tag nrho hauv ib lub limtiam, ces nug tug pab leg ntaubntawv kom qhia ntxiv.
- **Nyiaj dej siab thaib nyiaj koom peev (profit sharing)** yuav tsum muab qhia rau hauv daim ntawv thov rau txhua lub limtiam ntawm lub limtiam uas koj tsim nyog tau cov nyiaj dej siab no. Koj yuav teb

tias “yog” rau lo lus nug hais tias “Koj puas tau ua haujlwm?” txawm hais tias koj yeej tsis tau ua haujlwm rau lub limtiam ntawd.

- **Nyiaj Khiab Zog.** Nws muaj nws kev qhia tshwj xeeb rau cov nyiaj ua yog nyiaj khiab zog no. Koj yuav tsum tau qhia tias koj ua haujlwm txawm yog tias koj tsis tau nyiaj khiab zog los xij. Yog tau nyiaj khiav zog, yuav tsum qhia rau hauv koj daim ntawv thov pab ntawm tej lub limtiam, xws li tso rau lub limtiam uas koj muag khoom es tau qhov nyiaj ntawd. Yog koj pib txoj haujlwm uas them nyiaj khiab zog li uas nyiaj haujlwm los yog ib feem nyiaj haujlwm, koj yuav tsum hu qhia rau lub koom haum paub txog.

Koj yuav tsum tau qhia txhua yam haujlwm, cov txoos teev ua haujlwm, thiab nqi zog huv si. Yog tsis ua li hais yuav tau nqi pab tshaj thiab raug nplua ntau, nrog rau raug txim.

Tsis txhob qhia cov nram qab no tias yog “haujlwm” rau hauv koj daim ntawv thov nyiaj pab raws limtiam thiab tsis txhob qhia cov nyiaj uas khwv tau ntawm cov no tias yog nyiaj ua haujlwm no:

- Kev ua haujlwm rau tug kheej
- Ua haujlwm pub dawb tua hluav taws thiab pab thauj muaj neeg mob ti teg ti taw (EMT). (Yog koj tsis paub tseeb seb cov haujlwm koj uas puas yog haujlwm “pab dawb,” hu rau tus neeg pab leg ntaubntawv tham.)
- Tug Neeg Mloog Plaub Ntug (Tej nyiaj uas tsev txiav plaub khiab yuav qhia tsis tau; yog koj tau nyiaj los ntawm koj tus tswv num lub sijhawm uas koj mus ua Tug Neeg Mloog Plaub Ntug, cov nyiaj no yuav tsum tau qhia.)
- Cov tub rog uas nyob tos xwb (inactive) thiab cov tub rog nyob rau hauv tshavrog (military reserves) rau lub lav Wisconsin National Guard (xws li, ua haujlwm weekend xwb).

Nyiaj Laus. Koj yuav tsum qhia rau peb puab yog hais tias koj hos thov losyog hos tau txais nyiaj laus (retirement), tiamsis hos tsis xam hais tias yog nyiaj haujlwm thaum uas koj qhia koj cov nyiaj limtiam rau lawv paub. Yog tias tau xam nrog rau koj cov nyiaj poob haujlwm, koj yuav tsum qhia yog tias koj tau txais ib cov nyiaj laus hais tseg no. Koj

cov nyiaj them poob haujlwm txhua lub limtiam tej zaum yuav raug txiav yog tias koj txias nyiaj laus thiab. (Siab tshooj 6 qhia ntxiv txog nyiaj laus tawm txiav.)

Lus qhia txog lwm yam nyiaj uas tsis hais nyob hauv phau ntawv rau cov thov no saib rau hauv online (computer) chaw nyob yog http://dwd.wisconsin.gov/uiben/other_income.htm.

Thaum Twg Thiaj Qhia Txog Tias koj Tau Txais Nyiaj So Koobtsheej, So Haujlwm Los Yog Nyiaj Tso Tawm Haujlwm: Yog muaj them li hais saum toj no rau lub limtiam uas koj thov kev pab ntawd koj yuav tsum teb hais tias “YOG” YES rau lo lus nug txog seb koj puas tau txais nyiaj so koob tsheej, so haujlwm losyog nyiaj them nrho ntawm haujlwm thiab yuav tsum qhia huv si cov nyiaj them ntawd. Nyiaj so koobtsheej, so haujlwm thiab tso tawm haujlwm yuav tsum tau qhia rau lub limtiam uas tau txais, txawm tias koj yuav tau txais lub limtiam tom qab los xij.

Hu koj tug tswv num yog koj tsis paub meej txog cov nyiaj no.

Qhia Kom Yog Tug Tswv Num Li Cas: Muaj qee zaum, lawv yuav kom koj hais tug tswv num lub npe tag nrho thiab chaw nyob tom qab uas koj tso cov nyiaj tag. Lub kaw lus uas koj nrog tham ntawd yuav kaw koj cov lus cia. Hais tag nrho txhua yam thiab hais kom meej meej. **Yog peb tsis totaub cov lus uas koj kaw tseg, los yog hais tsis tag, lawv yuav tsis lees txais thiab lawv yuav xa ib tsabntawv nrog tus xovtooj tuaj rau koj rov hu mus ua kom tiav koj txoj kev thov nyiaj. Qhov no yuav ncua koj tej kev tau nyiaj povhwm poob haujlwm.**

Yog koj ua ib txog haujlwm rau tug tswvnum los ntawd ib lub chaw nrhiav haujlwm ua ib vuag, lawv hais tau tias koj yog ib tug ua haujlwm rau qhov chaw nrhiav haujlwm ntawd, nws tsis yog qhov chaw uas koj niaj hnub mus ua haujlwm rau. Thaum lub kaw lus nug koj tug tswv num lub npe thiab chaw nyob, hais qhov chaw uas nrhiav haujlwm rau koj ua ib vuag ntawd lub npe xwb.

Yog Koj Ua Yuam Kev Rau Koj Daim Ntawv Thov Kev Pab No: Yog koj xav tias koj teb lo lus nug tsis yog thiab tau nias tus lej 1 lawm, **cia li muab xovtooj khwb es rov pib dua**. Yuav xam hais tias koj cov ntaubntawv tsis tiav thiab ua txhua yam lus koj hais ploj mus yog tias koj khwb xovtooj ua ntej nws teb tias lees txais koj cov ntaubntawv lawm. Lub kaw lus no yuav tsis kaw tej ntaubntawv uas ua tsis tiav hauv lub limtiam.

Yog koj xav tias koj teb lus nug tsis yog thiab lawv ho lees txais koj cov lus teb lawm, koj yuav tsum hu xovtooj rau ib Tug Tibneeg Pab Leg Ntaubntawv.

Ua Cas Thiaj Paub Tias Koj Cov Ntaubntawv Ua Tiav (Raug Txais Lawm): Koj cov ntaubntawv tiav rau thaum uas lub kaw lus qhia rau koj tias lawv lees txais lawm. **Tsis txhob khwb xovtooj txog thaum uas lawv qhia tias lawv lees txais koj cov lus lawm.**

Yog Koj Ua Ntaubntawv Thov Pab Hauv Lub Limtiam Tsis Tiav: Yog koj khwb xovtooj los yog lub kaw lus raug txiav ua ntej lawv lees txais koj cov lus, **lub kaw lus yuav tsis kaw koj cov lus cia. Koj yuav tsum tau rov hu dua ua koj cov ntaubntawv kom tiav rau lub limtiam ntawd.**

Yog Koj Cov Ntaubntawv Muaj Qhov Uas Xyov Puas Tsimnyog Koj Tau Kev Pab Los Tsis Tau: Yog muaj li no, lawv yuav hais kom koj hu rau Tug Neeg Pab Leg Ntaubntawv tham tsis pub dhau 3 hnuv yog tias koj tsis tau muab ntaubntawv li cas qhia rau lawv txog qhov no. Lawv mam qhia ib tus xovtooj rau koj hu mus nrog lawv tham.

Tug Neeg Pab Leg Ntaubntawv yuav nug mentsis lus ntawm koj tamsim ntawd los yog lawv yuav teem sijhawm rau koj mus ntsib los yog yuav hu xovtooj tau yog los yuav xa ib tsab ntawv rau koj los tham tshuaj xyuas qhov tseeb. **Txawm yog lawv hais rau koj tias lawv lees txais koj cov ntaubntawv thaum koj hu tag lawm los xij, koj YUAV TSUM tau hu mus rau Tug Neeg Pab Leg Ntaubntawv yog lawv xwv kom koj hu. Yog koj tsis hu rau Tug Neeg Pab Leg Ntaubntawv li lawv kom koj hu lawv, koj muaj feem yuav tsis tau koj cov nyiaj pab povhm poob haujlwm.**

Thaum Twg Mam Txais Koj Cov Nyiaj: Ul txeev xa nyiaj tawm tsis dhau 7 hnuv tom qab uas ua cov ntaubntawv tag (lees txais) lawm, tiamsis kuj muaj ntau yam uas yuav ua rau koj cov nyiaj tuag qeeb. Pivtxwv, yog ua diam ntawv tsis tag losyog lawv muaj lus nug koj txiv. Teb no yuav ua rau koj cov nyiaj tuaj qeeb.

Koj cov nyiaj povhwm poob haujlwm yuav tsis tuaj txog rau koj raws tib lub sijhawm txhua lub limtiam.

Yog koj tsis tau txais koj cov nyiaj (los yog tsis muaj ntawv qhia tias yog vim li cas koj thiaj tsis tau nyiaj) li 7 hnuv tom qab uas koj tau thov pab ntawm tej lub limtiam, koj yuav tsum hu xovtooj rau Qhov Caw Kaw Lus Nug seb lawv puas tau xa nyiaj tuaj. Xaiv qhov 1 (option 1) nws yuav qhia txog koj cov nyiaj rau lub limtiam tag los.

- Yog tias diam check **tsis them** rau lub limtiam koj nug txoj, thiab 7 hnuv suav txij ntawm koj thov nyiaj rau lub limtiam ntawd, hu rau Tug Neeg Pab Leg Ntaubntawv tamsim ntawd.
- Yog diam check **xav tuaj** rau lub limtiam koj nug txog, **tiamsis koj hloov chawnyob lawm**, hu rau Tug Neeg Pab Leg Ntaubntawv tamsim ntawd.
- Yog diam check twb **xav tuaj lawm tiamsis koj tseem tsis tau txais, thiab tsis tau hloov chawnyob no ces tos 12 hnuv ntxiv suav txij ntawm diam check twb xav tuaj lawm.** Yog koj tseem tsis tau txais thaum 12 hnuv ntawm dhau lawm, hu rau Tug Neeg Pab Leg Ntaubntawv kom nws pib “Nrhiav Cov Nyiaj Povhwm Poob Haujlwm.”

Pauv Koj Cov Checks: Koj tib leeg thiaj kos tau koj lub npe thiab pauv tau koj cov checks xwb.

Cov Checks Ploj Los Yog Raug Nyiaj Lawm: Yog koj daim Ul check ploj los yog neeg nyiaj lawm, hu Tug Neeg Pab Leg Ntaubntawv. Nws yuav siv txog li 60 hnuv tom qab uas ua ntawv qhia tias daim check ploj los yog neeg nyiaj lawm mam rov tau daim tshiab, raws li ua tau.

Nyiaj tso ncaj qha rau txhab nyiaj (Direct Deposit): Ul nyiaj poob haujlwm uas them ncaj qha rau koj lub txhab nyiaj rau hauv checking los yog saving account. Yoj koj xav tso nyiaj ncaj qha li no koj yuav tsum ua ntaubntawv hauv online chaw nyob <http://unemployment.wisconsin.gov> los yog ua daim ntawv hu uas Direct Deposit Authorization uas lawv twb muab xa nrog koj cov ntaubntawv hais txog nyiaj lawm. Daim ntawv no muaj nyob ntxiv rau hauv online chaw nyob <http://unemployment.wisconsin.gov> los yog hu rau ib tug tibneeg pab leg ntaubntawv xoovtooj nyob tom qab phau ntawm no. Koj yuav tsum xa koj ib daim check muab sau “void” tsis pub siv lawm los yog ib tsab ntawv los ntawm koj lub txhab nyiaj uas qhia meej txog koj lub txhab nyiaj routing number thiab koj tug account number rau koj lub checking los yog lub saving account lawv thaj li paub tias cov ntaubntawv no yog cov tseeb. Lawv yuav xa koj cov nyiaj ua daim check rau koj txog thaum lawv muab koj cov ntaubntawv ntau tiav. **Koj cov Ntaubntawv Tso Nyiaj Ncaj Qha Rau Lub Txhab Nyiaj (Direct Deposit Information) tsuas yog xa ib zaug xwb, tshwj tias koj pauv ntaubntawv hauv koj lub txhab nyiaj lawm. Koj TSIS TAS rov ua dua ib cov Ntaubntawv Tso Nyiaj Ncaj Qha Rau Lub Txhab Nyiaj (Direct Deposit Information) rau txhua zaum koj thov Nyiaj Poob Haujlwm.**

Hloov Koj Li Chaw Nyob: Lub kaw lus yuav nug seb koj lub chaw nyob puas tau hloov txij zaum tag los uas koj tau thov. Yog hais tias hloov lawm no teb raws cov lus uas lawv qhia hloov chaw nyob. Yog koj tsis ua ntawv thov pab rau lub sijhawm no tabsis xav qhia hais tias koj hloov koj chaw nyob lawm, koj yuav tsum hu rau tus xovtooj uas thaum koj hu thov pab thawj zaug thiab nias 3 thaum lub kaw lus qhia cov lej rau koj.

Tshooj 4: Nrhiav Haujlwm

Thaum Twg Koj Mam Nrhiav Haujlwm: Koj yuav tsum nrhiav haujlwm txhua lub limtiam tsuas tshwj lawv qhia tias koj kev nrhiav haujlwm raug “zam lawm” thiab tsis raug mus nrhiav haujlwm.

Koj yuav tsum mus cuag ob tug tswv haujlwm txhua lub limtiam yog lawv hais kom koj mus nrhiav haujlwm.

Lawv yuav qhia koj tias koj tsis tag mus nrhiav haujlwm yog tias koj twv yuav raug hu rov mus ua haujlwm rau ib tug tswv num uas koj nyuam qhuav ua haujlwm tau tsis ntev losyog koj yog ib tug tswv cuab (zoo) nyob hauv ib lub koomtxoos haujlwm uas muaj kev cog lus xa neeg ua haujlwm rau rooj tswj neeg poob haujlwm.

Tej zaum, koj yuav tsis raug nrhiav haujlwm yog tias koj ua haujlwm tsis puv sijhawm (part-time) lawm. **Tsis txhob tso tseg nrhiav haujlwm vim koj tau haujlwm tsis puv sijhawm (part-time) ua lawm.** Hu rau Tug Neeg Pab Leg Ntaubntawv seb koj qhov haujlwm tsis puv sijhawm no puas pub peb zam koj tsis mus nrhiav haujlwm.

Nco ntsoov, yog koj tsis nrhiav dejnum li uas tsim nyog, koj muaj feem tsis tau koj cov nyiaj pab. Yog koj thov nyiaj pab los ntawm lav Wisconsin tiamsis koj hom nyob lwm lub lav txawv thiab Wisconsin hom hais kom koj mus nrhiav haujlwm no ces koj yuav tsum mus rau ib lub koom haum povhwm poob haujlwm uas nyob ze koj lub tsev nrog lawv tham.

Nrhiav Haujlwm Txhua Lub Limtiam: Yog hais tias koj yuav tsum nrhiav haujlwm, daim ntawv hais txog kabke povhwm poob haujlwm rau koj ntawd yuav qhia ntxiv txog kev nrhiav haujlwm txhua lub limtiam nrhiav li cas.

Nyob tom qab daim ntawv hais txog kabke povhwm poob haujlwm ntawd muaj ib cov lus pivtxwv qhia txog seb yuav xeev xwm txheej cov ntaub ntawv teev tseg li cas txog kev nrhiav haujlwm. Koj yuav tsum xeev xwm txheej kom tas cov lus nug lawv hais tseg.

Peb yuav raug hais kom saib xyuas koj daim ntawv nrhiav haujlwm, yog li yuav tsum khaws ntaubntawv zoo. Kws yees qhia tej yam uas tsis yog rau hauv koj daim ntawv teev txog kev nrhiav haujlwm yuav txhaum cai. (Saib Tshooj 7 hais txog tswj kev ua yuam cai.)

Kev Pab Nrhiav Haujlwm: Nrhiav kev pab rov ua haujlwm saib rau hauv online chaw nyob <http://jobcenterofwisconsin.com> los yog hu xoovtooj mus rau ib lub Koom Haum Nrhiav Haujlwm (Job Center) nyob ze koj. Hu xoovtooj dawb rau 1-888-258-9966 los yog online chaw nyob

<http://wisconsinjobcenter.org/directory/> nrhiav lub koom haum nrhiav haujlwm nyob ze koj. Yog hais tias koj nyob txawv xeev hu rau lub koom haum ze koj tshaj.

Txheej Txheem Rov Ua Haujlwm: Yog koj tsis muaj ib tug tswv num twg uas yuav hu koj rov mus ua haujlwm, koj yuav raug mus koom nrog tej nyuag txheejtxheem tshwjxeeb rau kev rov ua haujlwm dua uas yog npaj pab koj nrhiav haujlwm ua thaum koj nyuam qhuav tau txais nyiaj pab.

Koom rau cov kev pab rov nrhiav haujlwm no yuav raug cov kabke nrhiav haujlwm uas koj muaj feem koom nrog. Txawm li ntawd los, mus koom rau lwm tus txheejtxheem nrhiav haujlwm ntawm tus kheej tsuas xam tau tias yog mus nrhiav haujlwm tib zaug xwb, yuav nyiam yog tias lub chaw rhiav haujlwm yog qhov uas tsa muaj tus txheejtxheem no los xij.

Thaum lawv hu txoj koj lawm, koj yuav tsum tau mus koom rau cov kev rov nrhiav haujlwm no. Yog lawv teem sijhawm rau koj mus ntsib qhov chaw rov nrhiav haujlwm es koj tsis mus, koj muaj feem yuav plam koj cov nyiaj povhwm poob haujlwm. Yog tias koj mus koom tsis tau los yog twb tu tsis mus koom ib lub lawm, hais rau lub chaw nrhiav haujlwm paub tamsim los teem dua sijhawm.

Tshooj 5: Kev Xam Nyiaj Poob Haujlwm

Nyiaj Pab Ntawm Tej Lub Limtiam (WBR): Cov nyiaj poob haujlwm uas them rau koj lub sijhawm uas koj tsis tau nyiaj ua haujlwm los yog lwm yam nyiaj hlo li. Nws yog 4% ntawm cov nyiaj ua haujlwm uas koj tau hauv txwm 3 hlis siab rau txoj haujlwm uas muaj povhwm dauv.

Daim ntawv “Qhia Nyiaj Rau Txhua Lub Limtiam” yog ib daim qhia txog txhua tus nqi nyiaj them raws ib lub limtiam nrog rau tus nyiaj them ntau tshaj rau ntawm txwm 3 lub hlis. Daim ntawv qhia no muaj nyob rau hauv online (computer) (Hais lus Askiv xwb) chaw nyob yog <http://dwd.wisconsin.gov/uiben/handbook/pdf/wbrcharth.pdf>.

Xyoo Tau Nyiaj Povhwm Poob Haujlwm: Koj li xyoo pib nyiaj povhwm poob haujlwm yog thaum uas koj pib ua ntaubntawv thov. Ib lub xyoos tau uas tau nyiaj pab yog 52 lub limtiam. Thaum lub xyoos tau kev pab twg xaus, lub limtiam uas koj rov pib thov ntxiv mus yog xyoo tau nyiaj pab tshiab. Nyob rau hauv 52 lub limtiam ntawm tej lub xyoo, nws muaj qhov uas koj cheemtsum tau kev pab txog pes tsawg. Qhov no hu tias “tus nrim nyiaj pab ntau uas koj tau” thiab piav txog qhov no nyob ntawm nplooj ntawv ntxiv mus. Cov nyiaj haujlwm uas koj khwv tau los ntawm lub xyoo uas koj thov nyiaj poob haujlwm yuav tsis nce koj cov nyiaj pab rau lub xyoo ntawd los yog rau lub limtiam ntawm lub xyoo koj thov nyiaj pab.

Xam Ib Feem Peev UI Raws Limtiam Thaum Qhia Txog Cov Nyiaj Haujlwm: Lub Koom Haum yuav siv tus “qauv txheeb ib feem peev” los txheeb seb puas yuav them tau ib feem UI thiab yog them tau no, yuav yog pes tsawg.

Qhov uas “txheeb ib feem peev” ntawm cov nyiaj UI no yog muaj li nram qab no:

1. Rho \$30.00 tawm ntawm tus nyiaj haujlwm tag nrho.
2. Muab cov seem khoo (multiply) rau 0.67 (67%).
3. Rho qhov no (nrog cov nyiaj cents) tawm hauv koj qhov WBR.
4. Muab cov nyiaj npib hloov mus rau qhov ze ib dollar. Qhov no yog ib feem nyiaj UI rau hauv lub limtiam.

CEEBTOOM: Tus nyiaj UI uas tsawg tshaj plaws uas yuav them ua chev yog \$5.00, yog li ntawd yog koj muab xam los tau tsawg tshaj \$5.00, ces yuav tsis them rau koj.

Pivtxwv li: WBR=\$200 Nyiaj tag nrho=\$250

1. \$250.00 (Nyiaj tag nrho) rho \$30 = \$220.00
2. \$220.00 khoo rau .67 = \$147.40
3. \$200.00 (WBR) rho \$147.40 = \$52.60
4. Hloov \$52.60 nqis mus ua \$52.00.

\$52.00 no yog qhov nyiaj nqi zog uas them lub limtiam ntawd.

Yog koj paub tsis meej tias tsam koj tau nyiaj ntau rau lub limtiam ntawd lawm es xyov puas yuav tau ib feem ntawm koj li UI, koj kav tsij ua ntaubntawv thov rau lub limtiam ntawd thiab qhia tag nrho koj cov nyiaj uas khwv tau los. Lawv yuav xyuas seb puas tsimnyog koj tau. Daim ntawv “Qhia Nyiaj Ntau Tshaj Rau Txhua Lub Limtiam” yog ib daim qhia txog txhua tus nqi nyiaj them ntau tshaj raws rau ib lub limtiam. Daim ntawv qhia no muaj nyob rau hauv online (computer) chaw nyob yog <http://dwd.wisconsin.gov/uiben/handbook/pdf/mwecharth.pdf>.

Saib Meej Txog Koj Cov Nyiaj Uas Khwv Tau Los: Muab cov nyiaj uas koj qhia hauv koj daim ntawv thov nyiaj poob haujlwm ntawm tej lub limtiam mus xyuas nrog koj cov tswv num tabsis yuav tsis tuav koj daim check nyiaj cia lub sijhawm uas tos koj cov tswv num qhia tseeb tuaj. Peb yuav them koj li UI raws li koj daim ntawv qhia xwb. Yog muaj ib tug tswv num qhia txawv li uas koj tau qhia hauv koj cov ntaubntawv, peb yuav siv koj tug tswv num daim los txheeb peev nyiaj pab rau koj. Peb mam qhia rau koj paub tias peb hloov li cas lawm.

Thaum koj tus tswv num qhia tias koj tau nyiaj tsawg mentsis lawm los peb yuav xa check nyiaj tuaj ntxiv thiab yuav qhia tias yog li cas rau hauv daim (Form UCB-17I) uas piav txog daim check.

Thaum koj tug tswv num qhia tias koj tau nyiaj ntau mentsis lawm thiab tau them nqi poob haujlwm tshaj rau koj lawm, peb yuav xa daim ntawv qhia txoj xa nyiaj tshaj (Form UCB-37). Yog koj tsis pom zoo rau tus nyiaj uas tug tswv num qhia tuaj lossis tsis pom zoo ua raws li kabke thim nyiaj rov, ces ua raws li daim ntawv taw qhia tias koj tsis pom zoo.

Txo Nyiaj Them Menyuam: Yog lub koom haum tau txais daim ntawv tsib txog nyiaj them menyuam los ntawm ib lub tsev ceevxwm tsib nyiaj pab menyuam, peb yuav tsum tau qee nyiaj tawm hauv koj daim check los uas raws li qhov lus tsib no. Cov nyiaj uas qee tseg no yuav muab xa mus rau lub tsev ceevxwm tsib nyiaj pab menyuam kom lawv thiaj xa tau tawm. Yuav sau ntawv qhia koj paub thaum peb tau txais daim ntawv tsib cov nyiaj no. Yog koj tsis pom zoo txog tus nyiaj uas txiav lossis xav tias ua li no tsis yog lawm, hu rau lub tsev ceevxwm tsib

nyiaj them menyuam. **Lub tsev ceevxwm tsib nyiaj thiaj muaj cai hloov qhov no nkaus xwb.**

Tshooj 6: Hais Txog Qhov Uas Tsimnyog Tau

Yam Uas Hais Txog Qhov Tsimnyog Tau Yog Dabtsi? Yam uas hais txog qhov tsimnyog tau yog ib yam uas cuam tshuam rau kev li kev cai txog tias seb koj puas tsimnyog tau UI, thiab tsis muab, muab ncuu tseg los yog txo koj qhov nyiaj poob haujlwm raws kev cai tswj kev povhwm poob haujlwm. Lawv yuav soj ntsuam txhua yam hais txog qhov uas puas tsimnyog tau rau tej uas koj thov pab ua ntej lawv yuav them UI rau koj.

Peb yuav tuav koj cov nyiaj tseg lub sijhawm uas peb txoj taug hais txog qhov uas puas tsimnyog tau no. Txawm li ntawd los, lub sijhawm uas peb tseem txoj taug no, nws tseemceeb uas koj tseem pheej yuav tsum niaj limtiam ua hu thov.

Yog lawv kom koj hu rau Tug Neeg Pab Leg Ntaubntawv hais txog qhov uas tsimnyog tau no, cia li hu tamsim. Yog koj tsis hu koj muaj feem plam tsis tau kev pab povhwm poob haujlwm.

Koj thiab tug tswv num nej ob leej yuav muaj ib lub sijhawm los piav qhia cov lus tseeb ua ntej lawv txiaiv txim. Yog koj tsis hu losyog tsis muab cov ntaubntawv kom txhij raws li lub koom haum hais tseg, lossis koj tsis mus koom lub sijhawm lawv teem tseg rau koj ntawd, lawv yuav txiaiv txim raws li cov ntaubntawv uas lawv muaj xws ua li ntawd tej zaum **koj yuav tsis tau txais nyiaj povhwm poob haujlwm.**

Tom qab kev txoj taug txog qhov uas puas tsimnyog tau no tag, ho yuav sau ntawv qhia rau koj paub tias lawv txiaiv txim li cas lawm.

Yog koj lossis koj tug tswv num rov hais dua txog daim ntawv txiaiv txim no, yuav tsum XIJ PHEEJ TSEEM UA NTAUB NTAWV THOV rau hauv tej lub limtiam uas koj tsis mus ua haujlwm los yog ua haujlwm tau nyiaj tsawg tshaj li uas koj txeev tau. Kev txiaiv txim yav pem suab es yog koj yeej ces koj xwv yuav tau nyiaj pab rau cov limtiam uas koj tau thov lawm.

Hom Yuav Ua Rau Koj Tsis Tau Kev Pab: Txawm tias koj twb tau nyiaj ntau huj sim lawm los ntawm txoj haujlwm uas muaj povhwm poob haujlwm dauv, los koj yuav tsis tau kev pab yog tias koj:

- tawm haujlwm yam tsis muaj qabhau dabtsi. UI li kev cai tshem koj nqi zog li 4 lub limtiam thiab txog thaum koj khwv tau 4 npaug hauv koj qhov WBR.
- raug rho tawm haujlwm vim ua tsis zoo. UI li kev cai rho tawm tug tswv num qhov nyiaj hauv txoos sijhwm pib tsis muab suav nrog koj qhov MBA thiab yuav tshem koj cov nyiaj pab txog 7 lub limtiam thiab txog thaum uas koj khwv tau 14 npaug tshaj koj qhov WBR.
- raug rho tawm vim koj tsis mus ua haujlwm los yog mus pib lig ntau zaum uas koj tsis hu qhia tug twsv num paub txog. UI txoj cai yuav tsis puab nyiaj pab rau koj ntev li ntawm 6 lub limtiam thiab txog thaum koj mus ua haujlwm es cov nyiaj them koj ntawd tshaj lis 6 zaum los ntawm koj cov WBR.
- tsis kam mus ua haujlwm yam tsis muaj qabhau dabtsi. UI li kev cai tshem koj cov nqi zog txog 4 lub limtiam thiab txog thaum uas koj khwv tau 4 npaug tshaj koj qhov WBR.
- tsis mus nrhiav haujlwm rau lub limtiam uas lawv hais tseg.
- ua haujlwm thaib ho thov pab thiab ho tsis ua haujlwm tag li muaj nyob rau hauv lub limtiam ntawd. UI li kev cai ntxiv cov nyiaj uas ntxim koj yuav khwv tau nrog koj cov nyiaj uas koj khwv tau los xam koj cov nyiaj pab. Yog hais tias koj tsis ua haujlwm tshaj 16 txoos teev tuaj ib lub limtiam twg lawv yuav tsis tsimnyog txai tau kev pab.
- ua haujlwm tau 40 txoos teev los yog tshaj los ntawm txhua tug tswv num hauv lub limtiam uas koj thov pab ntawd.
- ua haujlwm thiab thov nyiaj pab rau lub limtiam uas koj yuav tau nyiaj haujlwm li 35 txoos teev rau ib tug tswv num uas them 80% los yog tshaj koj qhov nyiaj haujlwm ntawm txoos sijhawm pib, thiab koj

li nyiaj haujlwm lub limtiam ntawd sib npaug zog los yog ntau tshaj qhov uas tug tswv num ntawm txwm 3 hlis siab ntawm txwm 3 hlis qis.

- ua tsis tau haujlwm los yog tsis khoom ua haujlwm ib lub limtiam. Lub Koom Haum yuav tshuaj xyuas tej yam haujlwm uas txwv tsis pub koj ua los yog tsis muaj kev xyeej ua. Yam ntxwv yog li ntawm no, tiamsis tsis tas no xwb, cov teev ua haujlwm koj ua tau, cov haujlwm uas koj ua tau thiab seb koj mus ua deb lossis ze li cas xwb. Txawm hais tias koj twb yeej ua haujlwm lawm los lawv tsheej muaj txoj cai tsi pub nyiaj rau koj vim koj ua tsis tau haujlwm full-time.
- tsis ua haujlwm vim yog muaj tawm tsam haujlwm los yog hais dejnum tsis haum, uas tsis yog los ntawm kev kaw haujlwm. Cov neeg ua haujlwm uas tsis koom nrog kev tawm tsam haujlwm tabsis cia li tsis muaj haujlwm ua vim yog tej ntawd, kuj muaj feem uas yuav tsis tau thiab. Yog koj ua haujlwm rau txoj haujlwm uas muaj povhwm dauv tom qab uas pib tawm tsam thiab koj li nyiaj haujlwm yog tsimnyog tau raws li pab los ntawm txoj haujlwm ntawd, tej zaum koj kuj yuav kev pab rau lub sijhawm uas tseem tabtom tawm tsam ntawd thiab.
- ua haujlwm rau tsev kawmntawv lub sijhawm uas muaj kawmntawv. Koj tsis muaj feem tau nyiaj poob haujlwm yog ua haujlwm raws caij kawmntawv xwb los yog raws xyoo kawmntawv yog koj paub tias koj yuav tau rov mus ua haujlwm li qub tom qab so ntawv tag los yog rov pib ntawv xyoo ntxiv mus. Peb them tau rau lub sijhawm li no los tsuas yog siv lwm tus tswv num li them xwb thiab yog koj tau nyiaj haujlwm uas muaj feem thov tau kev pab thiaj pab tau los ntawm lwm tus tswv num nkaus xwb.
- yog tsev neeg li tuam txhab lag luam them nyiaj haujlwm rau koj, uas yog koj los yog koj tus txheeb ze ua tug tswv los yog koj tsev neeg ntawd them nyiaj txoos sijhawm pib. Koj tus nrim nyiaj uas tau siab tshaj plaws yuav raug txo kom qis. Thaum peb txheeb koj li MBA, qhov nyiaj haujlwm uas siv tsev neeg lub tuam txhab lag luam

li nyiaj them tsis pub dhau 10 zaug ntawm WBR ntawm tus tswv num ntawd. Qhov no los kuj yuav muab tim tau rau tug neeg uas nrog koj ua lag luam ua ke, tsuas yog yuav saib seb koj feem txheeb ze rau qhov no yog li cas xwb.

- tes haujlwm uas tsis zwm rau. Tes haujlwm uas tsis zwm rau yog tes haujlwm uas tsis dauv los ntawm Wisconsin li UI txoj cai. Lawv yuav tsis them koj los ntawm cov haujlwm no. Tej yam pivtxwv txog cov haujlwm no yog muaj:
 - Ua haujlwm rau ib lub tsev kawmntawv txuj thaum tseem kawmntawv hauv.
 - Ua haujlwm muag vaj tse los yog muag kev povhwm es tsuas tau nyiaj khiab teg xwb.

Thov Povhwm Poob Haujlwm Thaum Tseem Yog Ib Tug Tub Kawm Ntawv: Koj yuav tsum qhia lawv puab yog hais tias koj yog ib tug tub kawm ntawv rau lub sijhawm uas koj thov nyiaj povhwm poob haujlwm no. Lawv mam nug xyuas seb koj puas yuav tau mus nrhiav haujlwm. Tej zaum yog koj tseem kawm ntawv koj yuav tsis tas muas nrhiav haujlwm yog lawv xam hais tias yam koj kawm ntawd yog ib yam uas lawv “pom zoo rau koj kawm.”

Txo Nyiaj Laus: Koj yuav tsum hais rau peb paub txog cov nyiaj laus uas koj tseem tau, nyuam qhuav tau tsis ntev no los yog tseem yuav tau. Nyiaj laus yog nyiaj ua ntau zaum them tuaj rau koj (ib yam lis nyiaj hlis) thiab nyiaj ua ib zaum them rau koj los ntawm cov nyiaj laus so haujlwm, pension, annuities, 401(K)'s, 403(b)'s, 457(b)'s, thiab Nyiaj Laus Ntawm Railroad. Nyiaj social security tsis xa hias tias yog nyiaj laus.

Yog tug tswv num them tas nrog losyog ib feem ntawm cov nyiaj laus rau koj, cov nyiaj yuav muab raug txiav tawm hauv cov nyiaj them poob haujlwm.

Yog tas nrog losyog ib feem ntawm koj cov nyiaj laus los ntawm tib tug tswvnum xwm, koj cov nyiaj limtiam yuav tsum raug txo kom tsawg.

Yog koj tau txais nyiaj laus (xws li them raws hli) los ntawm ib tug tswv num, lawv yuav txiav nyiaj saib raws cov nyiaj them ntawm nyiaj poob haujlwm. Cov nyiaj yuav txiav tawm rau txhua lub limtiam txog ntawm cov nyiaj Railroad Retirement yog yuav txiav tawm 50% ntawm cov nyiaj laus them tuaj rau koj ntawd.

Yog koj tau txais ib cov nyiaj laus los ntawm ib tug tswv num, tug tswv num feem nyiaj ntawm koj qhov nyiaj laus no muaj feem cuam tshuam rau koj cov nyiaj povhwm poob haujlwm xam rau ntawm cov nyiaj uas tug tswv num twg tau them xwb. Lub Koom Haum yuav tsum muab cov nyiaj no faib rau txhua lub limtiam uas yuav txiav tawm ntawm koj cov nyiaj poob haujlwm txhua lub timtiam. Cov nyiaj txiav no yuav npaum lis cov nyiaj koj tug tswv num tau them koj rau ib lub limtiam twg. Yog koj muab cov nyiaj no mus tso ua nyiaj laus tsis pub dhau 60 hnuv uas koj tau txais ntawd no ces peb yuav tsis txo koj cov nyiaj kom tswag. Koj yuav tsum qhia rau peb paub txog yog hais tias koj no hos tau txais nyiaj los ntawm lis lub koomhaum tuav nyiaj laus.

Yog koj zoo siab so haujlwm (voluntary retirement) no tej zaum peb yuav xav hais tias yog koj tawm haujlwm xwb. Qhov no yuav ua rau koj txais tsis tau nyiaj laus.

Saib Seb Puas Muaj Cai Ua Haujlwm: The Immigration Reform and Control Act of 1986 (P.L. 99-603) hais kom txhua tug tswv num yuav tsum saib seb txhua tug tub num tshiab puas muaj cai ua haujlwm. Thaum ib tug tswv num txais koj ua haujlwm, tug tswv num tseev kom koj qhia qho yam ntaubntawv kom paub koj li ntawv plhu thiab feem cai uas koj ua tau haujlwm. Yog koj muab tsis tau tej ntaubntawv no rau koj tug tswv num li txoj cai, koj tug tswv num yuav tso koj tawm haujlwm. Yog koj tsis muaj tej ntaubntawv no rau tug tswv num thiab rau qhov chaw saib xyuas povhwm poob haujlwm ces nws yuav cuam tshuam koj li nyiaj UI.

Tshooj 7: Kev Txumloom Thiab Kev Tswjhwm Zoo

Zais Nrhw (Fraud): Yog tsis qhia tej yam uas yuav muaj cuam tshuam kev pab povhwm poob haujlwm yuav hais tau tias yog qhia tsis tseeb. Yog qhia tej yam uas tsis yog rau hauv koj cov ntaubntawv thov pab

povhwm ntawm tej lub limtiam yuav hais tau tias yog dag lawm thiab. Kev teem txim rau tej kev zais nrhw thiab dag no loj heev. Nws muaj li no:

- **Tu Nyiaj Pab** - Yuav tu nyiaj pab UI lawm yav pem suab txog li ntawm 1, 3 los yog 5 zaug ntawm koj cov nyiaj poob haujlwm uas tau ntawm ib lub limtiam uas koj tau qhia tsis tseeb thiab zais lus. Yuav qhia koj paub txog tus nyiaj uas raug txiav tawm nyob rau hauv daim ntawv txiav txim (Form UCB-20) thiab qhov nyiaj no yog yuav txiav ntawm thawj daim UI check uas yuav tau them tuaj tom qab uas txiav txim tau lawm.
- **Tsev Txiav Txim Nplua** - Tsis pub tsawg tshaj \$100 los yog ntau tshaj \$500 rau ib lub limtiam uas tau qhia tsis tseeb (thiab muaj ntaubntawv cim koob tsis zoo).
- **Nyob Nkuaj** - Txog 90 hnuv rau txhua lub limtiam uas qhia tsis tseeb (thiab muaj ntaubntawv cim koob tsis zoo).

Ntxiv rau tej kev nplua no, koj yuav tsum them cov nyiaj uas tau them tshaj lawm rov qab.

Muaj ob peb txoj kev lawv siv los pab ntes cov tibneeg uas tsis qhia txog lawv cov nyiaj tau los ntawm kev ua haujlwm rau lub sijhawm uas lawv tau txais nyiaj poob haujlwm thiab. Ib yam yuav pab tau koj kom tsis txhob raug them nyiaj rov qab, koj yuav tsum qhia rau lawv kom mee txog cov nyiaj koj tau txais los ntawm tug tswv num rau lub limtiam uas koj ua haujlwm.

Them Cov Nyiaj Tshaj Rov Qab: Yog tau them UI nyiaj tshaj rau koj li uas tsimnyog koj tau ntawm tej lub limtiam lawm, lawv yuav sau ntawv qhia koj paub tias lawv tau them tshaj rau koj lawm. Qhov nyiaj uas tau them tshaj no yuav raug txiav tawm hauv koj cov UI nyiaj uas koj tseem yuav tau txais rau cov limtiam tom ntej. Yog koj ho tsis muaj nyiaj UI ntxiv lawm los yog koj tseem tshuav tus nqi uas tau them tshaj rau koj lawm ces koj yuav raug them cov nyiaj ntawd rov qab rau lawv.

Txheej Txheem Tswjhw: Lub hom phiaj ntawm tus Txheej Txheem Tswjhw no yog los ntes thiab txo tej kev ua yuam kev thiab ua tsis raug cai nyob rau hauv tus txheej txheem UI no. Cov neeg ntsuam xyuas tswj (Quality Control staff) xaiv ib cov neeg ntawm cov neeg uas thov povhwm poob haujlwm no los siv ua kev tswj teeb meem. Peb siv cov xwm uas tshawb tau lo ntawm pab neeg no los ua kev txhim kho raug qhov yog thiab ua kom tus txheej txheem UI zoo ntxiv.

Yog xaiv tau koj, yog tsis mus ntsib tug neeg no thiab qhia txhua yam kev ua ntaubntawv uas nug hauv cov lus nug ces yuav raug txiav kev pab povhwm mus txog thaum uas koj koom tes nrog lawv.

Tshooj 8: Koj Tej Ntaubntawv Poob Haujlwm

Tsis Pub Twg Paub: Tej tug neeg li ntaubntawv hauv computer puav leej muaj rau lawv yog hu tus xovtooj pab teb koj cov lus nug (information/assistance). Lub Koom Haum yuav muab cov ntaubntawv uas hais txog koj tug kheej xwb los yog rau tug tswv num uas raug them qhov nyiaj no. Txoj cai Privacy Act tsis pub kom muab tej ntaubntawv no rau tsev neeg paub.

Cov Nyiaj Se: Nyiaj povhwm poob haujlwm suav tau tias yog ib cov nyiaj uas txiav tau se rau hauv teb chaws (federal) thaib hauv lav (state). Txhua xyoo lawv qhia cov nyiaj povhwm uas koj tau mus rau Internal Revenue Service thiab Wisconsin Department of Revenue. Koj hais tau rau lub lav thiab teb chaws txiav koj li se nyiaj pab povhwm poob haujlwm tau los yog kaj zoj koj tus se es them ua ntej rau lawv.

Yog koj txiav txim siab txiav koj li se tawm ntawm koj li nyiaj poob haujlwm, peb yuav txiav 10% rau hauv teb chaws (federal) thiab/los yog 5% rau hauv lub lav (state). Yog xav kom txiav se nyiaj poob haujlwm rau hauv teb chaws thiab hauv lav, hu rau ib tus xovtooj uas koj hu mus leg ntaubntawv poob haujlwm nyob sab nraum phau ntawv no thiab nias 2. Koj yuav hais kom lawv tsum tsis txhob txiav se thaum twg los yeej tau tsuas hu rau tib tus xovtooj qub xwb.

Peb xa daim Form 1099-G tuaj rau koj lub chaw nyob uas peb paub los lawm tsis pub dhau lub 2 hlis hnuv tim 1 txhua lub xyoo. Yog koj hloov chaw nyob lawm, hu rau tus xovtooj uas koj twb tau hu mus thov pab povhwm poob haujlwm lawm ces nias tus lej 3 los hloov koj li chaw nyob, txawm yog koj tsis ua ntaubntawv thov nyiaj poob haujlwm los xij. Koj muab tau daim Form 1099-G hauv online (computer) chaw nyob yog <http://unemployment.wisconsin.gov> los tau. Yog koj xaiv kom lawv txiav koj li se rau lav thiab/los yog teb chaws, koj daim Form 1099-G yuav muaj cov nyiaj uas txiav tawm ntawm UI li nyiaj xyoo ntawd nyob rau hauv. Yog muaj lus nug xav paub seb koj cov nyiaj UI yuav cuam tshuam koj li se li cas, hu rau IRS los yog Wisconsin Department of Revenue.

Sau li yam rau no:

**Caij Nyoog Ua Haujlwm Thiab
Cov Xovtooj**

**Ua Ntaubntawv Thov Nyiaj Povhwm Poob Haujlwm Ntawm Tej
Lub Limtiam:**

Online: <http://unemployment.wisconsin.gov>

Hu Xovtooj:

Cheebtsam Madison 608-261-9990
Cheebtsam Milwaukee 414-438-5395
Hu Dawb 1-800-978-7887

**Muaj pab thov nyiaj rau txhua lub limtiam hauv online (computer)
thiab xovtooj:**

Sunday 9:00 AM – lb tag hmo
Monday – Friday 1:00 AM – lb tag hmo
Saturday 1:00 AM – 3:00 PM

**Yog Xav Paub Txog, Xav Tau Kev Pab Los Yog Tham Nrog Tug
Pab Leg Ntaubntawv:**

Online: <http://unemployment.wisconsin.gov>

Hu Xovtooj:

Cheebtsam Madison 608-232-0824
Cheebtsam Milwaukee 414-438-7713
Hu Dawb 1-800-494-4944

Cov Neeg Pab Leg Ntaubntawv Khoom:

Monday – Friday 7:45 AM – 4:30 PM

Online thiab Xoovtooj Kaw Cia pab muaj sijhawm li no:

Sunday 9:00 AM – lb tag hmo
Monday – Friday 1:00 AM – lb tag hmo
Saturday 1:00 AM – 3:00 PM

Yog Nyuam Qhuav Pib Thov Tshiab Los Yog Rov Thov Dua:

Online: <http://unemployment.wisconsin.gov>

Hu Xovtooj:

Cheebtsam Madison 608-232-0678
Cheebtsam Milwaukee 414-438-7700
Hu dawb 1-800 UC CLAIM
(1-800-822-5246)

Cov Neeg Pab Leg Ntaubntawv Khoom:

Monday – Friday 7:45 AM – 4:30 PM

Online (computer) thiab xovtooj kaw lus:

Sunday 9:00 AM– 5:00 PM
Monday – Friday 6:00 AM– 7:00 PM
Saturday 9:00 AM– 2:30 PM

Tug lagntseg, hnov lus tsis tseeb thiab hais tsis tau lus thov tau online siv Internet chaw nyob saum toj no los yog hu tau rau peb tus TTY xovtooj hu dawb. TTY cov neeg uas hu yuav tsum muaj lub tshuab ntaus ntawv xovtooj. Yog kaw lub yuav tsis muaj leejtwg teb koj.

TTY Hu Dawb: 1-888-393-8914